

*Al Vânt dla Bâsa e l Sâul*

*Un bèl dé al Vânt dla Bâsa e l Sâul i caténn da dîr: ón di dû al gêva ch'l êra pió fôrt che cl èter, quand i vdénn un viažadâur ch'al vgnêva inànz tòtt arvujè int la caparèla. I dû litigànt i cunvgnénn alâura che al pió fôrt al srêv stè quall di dû ch'al fóss stè bãn ed fèr in manîra che al viažadâur al s cavéss la caparèla d'indòs.*

*Al Vânt dla Bâsa al taché a supîèr a tótta bérra, mo pió al supîèva pió al viažadâur al se strichèva int la caparèla, al pónt che ala fén al pôver Vânt ai tuché ed piantèr lé ed supîèr. Al Sâul alâura al s fé vâdder int al zîl là só pr âria, e da lé a pôc al viažadâur, ch'al sintêva un gran chèld, al s cavé la caparèla. E al Vânt dla Bâsa ai tuché d arcgnósser che al Sâul l êra pió fôrt che ló.*

*T êla piasó la sturièla? Turnaggna a cuntèrta?*